

晚晴移詩匯

晚晴謬詩匯卷一百二十三目錄

姚椿 十九首

陳逢衡 五首

曹言純 二首

徐基 五首

馮雲鵬 五首

潘恭壽 二首

趙之琛 一首

汪适孫 一首

王嘉祿 七首

朱紫貴 二首

焦廷琥 二首

黃式三 一首

史臺懋 四首

江之紀 十三首

戴鑑 八首

覺羅舒敏 七首

晚晴籀詩匯卷一百二十三

徐世昌

姚椿字子壽號春木婁縣人監生舉孝廉方正有通藝

閣集

詩話春木以貴游子弟績學礪行最服膺姚惜抱故學派近之所輯國朝文錄宗旨甚正晚年家居講學吳中推爲者碩詩尤雅正醇懿才鋒俊拔而以醞釀出之迥異浮響蓋能矯遠趙末流者也

蓮花寺秋感

佛鐙照客夢秋氣空人心不厭世味艱安知禪定深輪躡  
淪餘盞鐘磬生曾陰孤花明寒衣清詩調王琴肅霜下  
羽械械風間林歸思一以馳君聽空外音

謝泗亭太守丈邀登高望山望峩眉

三江合流勢初放嘉州一城作隄障隔江羣峯高插天城

中一峯屹相向江聲山色無盡姿一峯盡納羣峯奇穹樓  
乘風欲飛去對面直撲三峩眉峩眉如美人隱見乃有數  
太空無纖雲一角秀微露峯巔橫絕太古雪直射雙眸氣  
寒亻兕羅綿影空濛濛咫尺何曾墮煙霧君不見東坡不  
作漢嘉守太息陵雲空載酒謝公家住會稽山萬壑千巖  
重迴首山巔白雲殊有情一片飛來落吟手登高著屐更  
持杯宣城永嘉古來偶我聞蜀山首岷嶓太蒙西來同嗟  
峩神仙靈跡闕終古太沖賦出誰能訶名山不列五嶽數  
灌莽堙沒千巖阿明朝徑擬入山去飛雲頂上攬身過

舟過長壽感賦

嘉慶之三載孟夏月上旬舟行發巴渝薄暮瀕江濱因思  
去年冬此邑遭黃巾傳聞意尙惻何況目覩真繫纜上岸

行城市皆沈淪一山在城西廟宇黯不新不知何王宮樓  
觀棲微塵棟梁未盡圯階級猶可循劫灰所偶遺此亦靈  
光倫折行入禹廟明德昭明禋謂當食萬年何意荒荆榛  
內有前縣令坐繫經年春守土棄土走何以腰垂紳謀告  
反得死何以謝萬民廟前雙桂樹圍大容轉輪曾見探丸  
來烈燄飛城闐我欲從之語無言獨含顰偶焉遇牙郎爲  
我瑣細論自云有父兄同來達巴岷與君爲同鄉身亦江  
南人嗟哉爲利謀豈意遭難屯先是驚風鶴寇至聞比鄰  
自當靜境內大義慷慨申民心旣以安士氣亦以振常時  
之備禦臨難猶逡巡游偵彼何辜乃向長流湮靜鎮爾豈  
能聞賊意則曠城中擊鐘鼓城外叢棘蘊此地高踞山其  
下爲通津寇來何坦如不用設距堙官守死其職去就民

所遵縣令倉卒逃餘衆尤私身擠排大江中戢戢爲魚鱗  
親戚誰復知但聞呼救頻縣尉獨守廨平日頗寬仁賊渠  
知好官推磨使之馴願爲厲鬼死氣結不復呻元戎率滇  
師解圍策如神首問失城罪有喙何能伸章綬宜在腰積  
貯宜在困狂狴宜有囚庫藏宜有銀一一皆自服繫俟軍  
事竣獨惜十萬家一炬胥泯泯至今月黑時野闊飛青燐  
衆者化爲少富者化爲貧弟行尋其兒兒嘯號其親身亦  
有父兄欲問無由詢孤身客他鄉已矣長含辛吾聞此言  
悲涕泗橫無因蜀中苦兵久惟有呼昊雯作詩紀姓氏尉  
張令則陳生者戒守吏死者勸爲臣

峽中行十餘里奇奧殆絕出峽後上辣子山險峻爲

諸山之最

空山無人鳥欲棲後者鷓鴣前猿嘯兩面絕壁中一溪衆  
峯壓天天亦低羲和有轡不得騁山勢欲掣斜陽西斜陽  
到山不到地影射瀑布晴無泥飛流直下二千丈衝石石  
白一色齊有時欲落不肯落片片擊碎青玻璃雲根突兀  
峙崖底沙石相夾成徑礧輿夫利涉視晴雨我行雨過徑  
不迷平時暴漲盡淤沒巨浸不許牛駕犁便思盛夏此消  
暑道遠何用餽糧齋山行快意苦易盡突落萬仞高岬巒  
作勢偃僂磨盤螳舉步跼踖藩觸羝仄身樹礙險被挂當  
頭石崩如欲擠誰知此路有時上風吹絕頂陰淒淒下坡  
走丸側復側勢險節短不敢稽陂陀塊礧盡如此直使人  
力窮攀躋令我回首望石峽到此閣筆詩難題

湘妃祠

湘瑟十三弦離騷字字傳空江無月夜太古有情天怨竹  
祠山鬼哀蘋薦水仙送迎應有曲誰附九歌篇

屈子祠

荆楚邱墟廢湖湘日夜流異朝餘涕淚同姓託危憂敗壁  
難爲古寒花易感秋征途循枉渚浩蕩駕螭蚪

弔諸將相詩

韓范威名塞外崇晚年裴令保孤忠九邊動色思元老四  
海同聲哭相公靜默尙關天下計安危真有古人風留侯  
誠意陽明後又見文成史冊中

廿年節相望君門手取輿圖奉至尊奢到汾陽難稱德死  
如新息竟招魂任遭當道彈章忌獨拜中朝異數思外戚  
勳名藩鎮罪是非身後待誰論



籌筆籌邊鬢有霜  
鄴侯勳伐在旂常  
岷峨形勝三持節  
戎馬功名幾戰場  
儒將軍容須整暇  
暮年家難太倉皇  
孫宏東閣塵封後  
誰下西州泣數行

江南封事意如何  
同唱西來出塞歌  
門戶竟分牛李局  
邊庭終失鄧鍾和  
全家朝右恩榮極  
三帥蠻中瘴癘多  
何幸武安猶免族  
漫將朝露歎蹉跎

節鎮重登上將壇  
炎風病骨易摧殘  
國恩畢竟捐軀報  
公論都嗟得諡難  
百卷傳書名壽世  
萬間廣廈士忘寒  
舞干別有綏苗略  
何止才人淚未乾

錢南園通政畫馬

古來畫馬工孰最  
公麟後出曹韓低  
錢侯骨格古君子  
神駿意欲空四蹏  
一縑揮霍氣象出  
萬里叱咤風雲齊  
昂首

定當負鹽輓汗血豈是來月氏北風蕭蕭莽空闊誰有萬  
仞凌虛梯我聞錢侯滇南傑金馬光采動碧雞權奇氣概  
戒立仗詆蕩閭闔驚長嘶平生志不戀芻秣一蹶豈意前  
塗泥王良累啼伯樂歎天廐再入庸工詆枯萁濁水驕日  
炙蹇僕傲裘寒雨淒雖然此馬有直幹餘怒猶足決狡獍  
今觀此圖挾雄特斷不屑屑從雞栖仁人志士各懷抱高  
山大川終瞖迷人間駑駘萬萬輩駭汗卻走橫沙隄

月夜望君山

大江西來漢水合山矗江心立孤塔青天一月一青山無  
數魚龍夜紛沓猿聲宵嘒處處聞君從何處哀湘君斑痕  
淚點向空盡回首客帆空白雲

馬肝峽

暝色落我前夜卧入寒曲素靈迭明晦深秀藏峯綠平沙  
一微步硤影峻遙矚石子質鏗然傾聽久乃續泉源引虛  
籟泠泠何相屬夢醒空中絃天風戛珠玉翻嫌人語動亂  
此幽響觸山泉赴江水我夢隔凡俗

灑灑堆

河有砥柱山江有灑灑堆此皆一當百轉激生風雷碎石  
所積成根結元氣胎蘄如太古木厯劫逃天災扁舟出當  
中一觸愁崩摧如象復如馬漲流益喧厯吳楚萃珍奇巨  
舸嗟哦來關司啟閉嚴爭逐無遲回我行良獨難爾何嗜  
貨財

江行偶作

渺爾天涯去淒然騷客悲秋風山谷寺暮雨小姑祠歸燕

依檣遠神鴉舞擢遲蕭蕭江上曲還唱竹枝詞

鳳縣冬柳詞

垂手當筵玉酒紅曉烏嗁罷暮林空深山冰雪渾無用一  
樹承恩在永豐

離思天公也不堪一星高動影毵毵烏鞞紅笠青山路不  
是江南是漢南

絲鬢寥天感鳳笙尊前翻唱柳枝情東君不怕離人苦更  
遣明年著意生

陳逢衡字穆堂江都人諸生有讀騷樓詩集

詩話穆堂有竹書紀年集證逸周書補注亦篤  
志樸學之士詩特諧適自序謂未能專意也

丁酉暮春有感

呼庚徒羨玉山禾何肉周妻累若何明鏡照顏時態少長

機託命淚痕多家如瑣蛸惟資蟹心似眠蠶已化蛾九十  
春光今又去人間空著老頭陀

無計

無計支愁慰寂寥閉門黃葉雨瀟瀟人情略解方三拜仙  
籍難通郭四朝京洛報書沈夜月廣陵歸夢落秋潮亦知  
垂釣滄波好生活憑誰飲一瓢

江口送別

夕陽催客早登程握手停杯淚欲傾十里晚風吹鬢影一  
江春水化離情帆開煙樹冥濛走潮落魚龍浩蕩行卻恨  
不如隄畔柳隨君直到武昌城

游攝山

策杖上崇岡荒草沒游屐一鳥度寒色遠引入空碧莓苔

護寺門古樹卧石脊幽僻陰森多俯仰咽清魄飄飄衣帶  
閒但覺雲氣白

花落

花落斜陽外無人酒半醺客愁多似水春夢亂如雲庾信  
傷心賦陶潛自祭文古來賢達者誰不淚紛紛

曹言純字絲贊號古香又號種水嘉興人貢生有徵賢  
堂集

題花南老屋

重畫春風舊釣磯藥畦花町已全非南鄰父老猶能記紅  
板橋東白板扉

郭頻伽病起懷人圖

客裏無人共酒卮藥囊題罷復題詩一年幾日關門住轉

憶匡牀卧病時

徐基字立山天津人監生有立山詩草

梅樹君曰立山好句如買書添睡料識字種愁根古城生蔓草野店覆空盆披襟風在抱舉首月當天古今誰大覺風月有餘清皆快人口

詩話午園公官江右公實侍行引拔士類多所勸贊教子姪輩皆成名同邑沈存圖先生評其集云中有精意非堆垛以求工者不盡唐音御殊宋派其品故高

己巳七月昌邑途中遇水以車作舟行三十里賦詩

紀事

少年尙意氣到處學游仙見險不知止日暮猶加鞭破浪江湖裏獨泛木蘭船壯志凌山岳雄襟貫百川古人難行路我意殊不然策馬走山左平坦可安眠秋雨忽淋漓墟社成深淵茫茫圍天住浩浩渺無邊征車息古寺借榻且

遷延寺僧爲我說前流難尋沿五龍新決口柳溝勢相連  
欲渡無舟楫不如且言旋躊躇正乏策夜雨復連綿點點  
滴心上客況倍憂煎秋蟲聲唧唧若亦爲予憐輾轉不成  
寐起坐看雲天朝聚土人謀不惜杖頭錢沽酒供一醉聊  
作歡喜緣土人俱踴躍願共涉淪漣旋即駕我車驅之入  
清泉或者推其尾或者挽其前馬亦奮兩耳努力渡雲煙  
以車代舟筏居然行之便途長馬力乏車內水涓涓喘息  
復前征飄飄到陌阡僕人長歎息此行尙勉旃我唯願之  
笑水下盡原田並無蛟龍窟何必畏其顛吁嗟平人世風  
波險十倍兀坐尙可被拘牽似此清流殊不惡相對長吟  
秋水篇

曉起



曉起渾無事茫然負此生  
漸隨池硯老仍逐羽毛輕  
久約心方坦思艱氣自平  
他鄉常作客管子代春耕

卽事

日落天光淨披襟放浪吟  
雲邊來鶴影風裏度蟬音  
竹瘦同詩骨山青繫客心  
此衷原不昧物欲漫相侵

庚午中秋書懷

月色明如晝溶溶照客窗  
弄花堪作伴對影喜成雙  
壯志隨時易雄心借酒降  
所思千萬種全數付滄江

恨婦詞

天道未可測人事未可知  
豐歉數所定施報庶無私  
山左逢凶歲我正游不其哀  
鴻鳴四野窮黎日苦疲  
有司勤撫卹縉紳効驅馳  
就食四萬口開廠日午時  
晝地分男女奔

走俱淹遲城東王氏婦扶姑抱女兒冀得三人糧聊以解  
朝饑粟米未到囊老母已傾馘側身援以手幼孩復見遺  
肝腸已痛絕那堪踐踏隨勢如萬壑趨兩肱難護持輾轉  
人叢裏捐軀盡孝慈可憐三女子頃刻無完屍士民長太  
息行路淚亦垂救荒無善策古人曾言之天平彼何辜所  
遭竟如斯此理殊不解漫成恨婦詞

馮雲鵬字晏海江蘇通州人有掃紅亭詩集

詩話晏海好古耽詩著刊金石索傳於世詩喜馳  
騁錄其題詠金石者數篇以識風流好事之概

芋子戈續歌

芋子名嬰見漢志一十八篇成往事儒家者流書不傳得  
此一歌猶快意內業六改名目連想見談兵鑄兵器造字  
古文書作船說文可證神通寺楚王授師不到魯魯亦無

聞羊舌至莘子七十子之徒甯無手澤存遺地周公廟側  
土花香宵光尙帶英雄氣此戈不與正師同二千年上賢  
人制內倍胡三援四之考工尺寸無殊異好與周公負展  
圖精靈永壽人間世

魏景初帳邊構銅歌酬張文麓孝廉

性粹

余閱金石記兩記廣構銅此名邊構尤罕見赤金幻作硃  
砂紅尙方密鏤景初字三十二言真魏隸蜀帝取銷寒儉  
甚何不當年取大器幸此未鑄五銖錢入土出土苔花鮮  
流蘇灰滅朱竿墜消沈兒女英雄淚張君獲此費搜尋貽  
我絕勝干黃金入手纔盈握可作花金屋對此如對素心  
人宜供幽蘭與幽鞠磚偕寶鼎傳碑共黃初古漫誇樊榭  
詠西疇我有奇珍得東魯

武周長安造像石刻歌贈顏鹿門

石高漢尺二尺二寸半狀如佛龕左

邊損壞中鏤佛像右刻大周長安二年歲次壬寅十二月廿二日其旁有施主字而泐其姓名考長安二年武則天僭位之十九年也其月日作酉正與泰山下鴛鴦碑相同舊存樂國顏子鹿門贈以歌

明空僞號周長安鏤石船象如瑠龕中有古佛如華鬘蓮  
臺趺坐儀容端臺底獅子蹲而安蠻奴承臺氣力殫匝  
字異右側刊惜其左側已凋殘當時佞佛崇旃檀天堂明  
堂金碧丹紛紛投龍登泰山鴛鴦碑上字屈盤一時風氣  
開鄉關此船象者姓名列但見凹凸苔痕斑樂圃邽亭多  
古翰竹葉碑側尋且看鹿門贈予投予歡何以報之雙齊  
紈取供齋頭石骨寒兜羅雪氎香漫漫奉請拈花微破顏  
後梁招討王彥章鐵鞭歌呈景縵樓太守

王鐵鎗威名揚十邊九決人莫當鬪雞小兒視晉王斬其  
來使如犬羊末帝昏亂梟鴟張屢建奇勳匿不彰老臣冤  
憤推忠腸授以劣卒驅沙場失守中都敗遞坊招討一死  
梁卽亡誰拾此鞭猶收藏赤心報國金煌煌中都在汶西  
南鄉遞坊之鎮不能詳荒祠古墓風悲涼嗟哉梁亡招討  
不亡人死留名鞭亦香令我拂拭心徬徨凜凜猶見王鐵  
鎗

題桂未谷明府戴花騎象圖贈桂生樸堂

桂氏之祖秦博士先生乃更窮經史一官萬里赴滇南十  
載永平貧且死經濟以外惟著書袖冷風淒餘故紙對此  
插花騎象圖先生未死精神舒高踞象背花滿鬢蠻女擁  
仗行吹竽兩峯說鬼畫鬼趣此更奇麗人間無嗟哉先生

聯珠集卷之一 下 二二三  
嗜金石予愧同心未相識展卷不厭反覆看似共老落對  
晨夕讀君札樸誦君詩漢魏六朝爭雄奇東晉直尋藥君  
墓南詔規模德化碑溫經學古俱超絕幸有慈孫光閎閱  
邇來負笈從予游摘藻揚華豔雲月先生騎象爾乘驄後  
先相逐遙相從他日揚鞭歸闕里願影猶傳乃祖風

潘恭壽字握箕號蓮巢丹徒人

詩話蓮巢以畫名詩亦清遠拔俗不作唐以後語所  
作畫夢樓輒題之因以增重然蓮巢詩畫皆足以自  
立不盡  
困人也

黃葉和王夢樓

衆芳消歇盡楚客已關心復此黃葉落蕭森楓樹林野渡  
夕陽亂僧樓夜雨沈記向吳江別迢迢直至今

送陳太史濂歸商邱

天空片雲遠執手丹楓林細雨此爲別長途秋正深江城  
寒笛暮山月曉鐘沈各有關情處誰將千里心

趙之琛字獻甫號次閑錢塘人

詩話次閑爲秋堂弟子嗜金石文字佐阮文達摹刻  
鐘鼎款識善治印有補籀迦室印譜兼精繪事樹石  
草蟲致極生動亦工書以六朝碑  
版入行草神采奕奕不落恆蹊

丁酉端月偕章次白過孝慈庵用復亭禪師夜過半  
畝居詩韻呈青雨上人

落日照城陰煙樹覆茅屋阿師坐高堂焚香愜幽獨清興  
發清吟散筆寫散木几案淨無塵胸懷虛若谷我來避藟  
藟對此稱快足莫嫌半畝寬世界藏一粟

汪适孫字亞虞號又村錢塘人候選州同

次閩秀陳坤維手題元人百家詩韻

寒女生涯事可知殘篇臨棄更題詩一般蠹粉飄花感略  
抵離鸞別鵠悲乞米何心留券帖賣珠有恨到書癡羸將  
墨澹流餘麝復此熏香展卷時

王嘉祿字綬之一字井叔長洲人有嗣雅堂詩存

詩話井叔爲王惕甫季子幼承家學探原漢魏沿流  
唐宋下及明七子不拘拘一家言陳雲伯彭詠莪均  
爲選刊其詩  
年二十八卒

雨霽

空庭響初寂簷鵲有喜聲開門看新綠屋角微陽明白雲  
不歸山藹藹涵空行野水奔稻溝冷然澗泉鳴老農荷蓑  
出一鋤帶煙耕碓子似我識前邨笑相迎徘徊不知遠暝  
色蒼然橫歸路望林火悠然動詩情

由支硎至天平



凌晨衝雨行籃輿縱遐眺轉轉入深山愈轉山愈峭沙黃  
曲磴寒林丹陰壑曜但覺四壁高已忘亂峯奧宿霧補僧  
衣驚飆墮客帽積厓貼紫花虛广綠碧蕩平蕪獨鳥翻澄  
潭萬松倒紆迴入石門呀然豁一竅中行頗坦平涓涓滴  
飛瀑屋近荒雞鳴林深餓鴉叫前望天平山身隨白雲到  
齊雲樓甄硯

月華冷浸吳城樹一片紫雲飛不去霜寒碧甃埋鴛鴦土  
花感鱗融麝香朱甍綺檐挂參斗元和使君來置酒滿闌  
芍藥嗁春紅山頭鯉魚飛化龍綠隄香塵印羅襪可憐焦  
土阿房宮鬼鎗散螢寒貼貼灰蝶棲煙抱黃葉銅爵香姜  
共爾愁玉蟾淚滴凝清秋

遣興

數日掩扉坐階前芳草新爐煙清入夢茗味澹如人疏雨  
將催暝妍花各爲春酒邊有心事不惜典衣頻

雨後懷君繡

驟雨傳聲急西風壓夢頻殘鐙依靜夜空館入新春歌哭  
餘雙鬢饑寒豈一身楓江楓葉滿想見閉關人

歲除前二夕雨

坐聽疏鐘歇難爲對酒情殘鐙搖瘦影寒雨入春聲孤館  
簷花落空階木葉平聞雞知夜半雄劍向人鳴

城樓眺雪

蕭蕭飛葉下林端點點歸鴉向晚看雲斷中天孤塔迴雪  
垂平野萬家寒隆冬薪米添憂劇外郡流亡得食難自欲  
著書頻避戶暫來岸幘一憑欄

朱紫貴字立齋長興人貢生官杭州府訓導有楓江草

堂詩稟

詩話立齋精考訂之學錢塘吳氏重刻如隱堂本洛陽伽藍記立齋以各本校勘成考異一卷附刻於後藝林推重詩多憂時感事之作潘繹序學使採入輶軒續錄以爲結響沈雄懷抱岸異當在謨觴瓶水諸家之右云

晉太康九年殘磚硯歌

張郎貽我磚一枚迺自官奴城下來紀元太康紀年九斷  
紋斑剝如雲雷典午寰區纔混一銅駝轉盼蘊蒿萊龍驤  
將軍三級塔不有趙逸誰知哉頑質塊然瓦礫比故應起  
滅如飛灰胡爲歷久尙完好聲價欲比銅爵臺當其搏埴  
爲胚胎豈意琢削爲硯材檀匣錦茵一位置遂登几席離  
塵埃竹頭木屑無棄物焦琴柯笛有別裁苟非因才妙驅

使豈免擲棄荒煙堆自來物物有遭際抱才何患終沈薶  
獨恨不識王右軍爲把栗尾書麝煤羽陽宮香姜閣高寒  
碧瓦千門開非無千秋萬歲字寒蕪蔓草空徘徊爾獨因  
緣結翰墨龍尾鳳味相朋儕我歌此歌三太息古今貉邱  
土一抔

赤烏甄歌

銅仙辭漢鉛淚垂爵臺瓦作鴛鴦飛國山圉碑亦僞託青  
蓋黃旗竟入洛吳宮花草成荒蕪此磚何獨全形模紀年  
猶是三分國壘石何如八陣圖父兮如龍兄如虎坐擁江  
東一片土可憐身披鼯鼠裘此缺應難鍊石補爾不玉碎  
乃瓦全表墓聊志延陵阡作公作卿亦何有華屋山邱一  
回首嗚呼人生安得如爾壽

焦廷琥字虎玉江都人有蜜梅花館集

阮芸臺曰里堂子廷琥能傳家學年十四隨里堂來杭隨眾賦詩動有佳句如天竺道中云半里百重樹一樓三面山西園讀書云繞戶書聲花外遠隔橋山影雪中明時較浙士以天文算學別爲一利里堂佐余閱卷廷琥知平圓三角之法嘗令其步籌推算以驗得數百不失一

自雕菰淘夜歸

舟載夕陽去歸來月已斜岸明人照蟹林響葉爭鴉暮港  
聯漁艇秋星閃浪花三更無犬吠比戶樂桑麻

柴門晚望寄王偉儒

開業

滿樹斜陽鳥雀喧傲霜殘菊在籬根只今秋水尙圍屋且  
喜漁舟直到門野渡過橋寬岸迹鄰翁扶杖驗波痕回頭  
紅葉蕭蕭落樽酒何妨共細論

黃式三字薇香定海人貢生

詩話薇香博綜羣言不立門戶尤長於三禮嘗輯周季編略謂可見周德留遺之遠爲前人所未及言

薺芎寄胡生伯寅

薺芎和人澆鉤吻雜黃精  
淄澠味誰辨鳴鳳竟齊鳴  
儒書靡老釋孰懲舒與荆  
爾愛漆園書幸而還嗜經  
訓詁聲音微徐思性與情  
轉圍自敏捷苦口豈能爭  
爾彈琴一曲寄書邀我聽  
我疑今日譜雅鄭不分程  
魏文嗜新聲絲竹耳亦盈  
岐山越裳操都與蠅蛙并  
我憾如陶公無弦索寂寞  
讀書避甚解僮侗過一  
生子細別宮商觀望和且平

史臺懋字旬循號半樓合肥人有浮槎山館詩集

詩話半樓詩學王孟輩柳間涉中晚頗多佳句陽湖左杏莊宰縣丞稱之廉訪浙中招之入幕並爲刻集陸祖生爲廣文亦重其詩贈句云平梁一詩人寒瘦若古木蕭齋著此答覺我亦非俗

擬古

木落天地瘦萬象皆枯槁鵬鶚盤遠空曠野風浩浩杖策  
訪孤茅幡然見一老朝夕空單瓢左右惟桑棗歌聲激金  
石且復攄懷抱飢寒無黯顏端坐能靜好鬱鬱西陵松風  
霜常自保

山中作

貧賤愛居山澹然無世慮空水映衣巾殘霞明杖屨俯視  
見孤村離離惟煙樹人作螻蟻行逶迤緣細路巉巖深合  
沓弄石成小住隔雲聞暮鐘沿崖且歸去

題友人南游詩後次韻

斷雲宮樹似曾經悵望天南帝子靈春水帆懸三楚白夕  
陽人入萬山青勞勞塵世身如葉草草浮生鬢欲星豈是  
不歸甘浪迹東風杜宇太丁甯

春陰

積陰如夢暗春城醉擁衾稠睡不成芳草隔簾寒色重落花空院雨聲輕誰家畫閣和雲啟野老烏犍破曉耕明日新晴山下路東風紉扇幾人行

江之紀字石生婺源人諸生有白圭堂詩鈔

詩話白圭堂詩潛氣內轉長於古而不精於律七古尤多佳製

山中偶步

翳翳松竹閒經年此閉戶空翠滿山樓簾疏白雲補偶隨麋鹿行遂忘登陟苦清泉瀉高巖危嶺通深鳴乾坤正蕭條墜葉紛如雨日落西山陰餘輝漾遙浦荒途愜幽尋秀色屢挹取安得買山資終焉結茅宇

庾樓夜飲



楚天日落殘雲碧，千山萬山起暝色。東風喜客上樓來，吹送飛花滿茵席。樓前長江水，拍天樓上銀鐙四。而縣鐙光直照波心裏，驚起魚龍不得眠。主人酒酣客耳熱，今夕祇許談風月。若使人生無白頭，月到圓時應不缺。君不見此江滾滾流無窮，此樓閱盡幾英雄。仲謀公瑾俱黃土，何況元規與稚恭。龍驤虎視亦何有，潤色江山還是酒。舉杯問天天不言，長庚墮地大如斗。

自九江抵南昌途中雜感

去年見春風，曾與春風約。明歲花開時，故山酒同酌。息壤猶在彼，生計轉落拓。方辭庾公樓，又上滕王閣。春風不我欺，我自食前諾。可憐龍尾西，桃花開且落。

峭帆入彭蠡，大姑迎雲中。驚濤沃白日，鬢髻青濛濛。下有

古戰場曾葬千骸，臙至今風雨夜，鬼火盈鮫宮，真龍與假虎。一例隨西風，誰言廣武歎，狂談非至公。

將至韶州沿江一帶石壁奇甚

海風翻雲半空黑，大鵬南游墮雙翮。千年老羸橫九畝，蹲岸怒與蛟龍敵。不然定是貫月查，牛渚撐回巖山側。舟人指點初不信，世間那有此奇石。惟奇故險險，故妙突兀縱橫累。千百若使生當江浙間，肯數太湖與靈壁。可憐棄置天南頭，猿鳥驚疑人不識。

六榕寺有懷坡公作次南城師韻

秋雲覆地古剎荒，寺門一榜鸞鳳翔。眉山正氣何堂堂，千載翰墨留清香。當時讒人正高張，羣飛刺天蔽太陽。貝錦潛織巧異常，黨人碑首司馬光公也。遠投蛟蜃鄉，慷慨度

海鼉爲梁乃無日忘廟廊矯如勁柏含秋霜陶詩柳集  
壯行裝朝雲叔黨慰淒涼餐霞卧月南斗旁脫屣富貴如  
毫芒念公蚤歲厄舒王南來禍始蔡與章坎壈百折氣彌  
昌泉源萬斛無盡藏魑魅逢迎又何妨羅浮天半同青蒼

南海神廟伏波銅鼓歌

波羅神廟東西壁銅鼓大者徑四尺小者微殺五之一鬱  
儀結璘長合璧大者浮自海中來小者潯水灘頭得縠紋  
龜紐吐光景遺烈猶傳馬新息新息當時征交趾據鞍目  
已無徵側範金鑄此壯軍聲蠻奴一聞皆辟易搥時會墮  
浪泊鳶撮罷還和武溪笛宮門馬久隨劫灰海邊柱亦埋  
沙礫獨留二鼓鎮炎陬貝闕深沈不敢隱雌雄變化善飛  
騰律呂鏗錫應潮汐馮夷喜時一揚枹萬里晴空飛霹靂

天吳震掉鯨魚走魑魅夔夔皆喪魄狸獠如雲輸寶釵買  
費千頭牛不惜方今驩駟駕鼓車百年耳不聞金革麟皮  
四縣鯁尾擊簫韶一奏違人格鼓兮安得置汝辟雍間逢  
逢上拚岐陽石

光孝寺觀南漢金塗鐵塔歌

尉佗城西訶子林貝多葉綠清客心寺僧示我南漢物烏  
金寶塔塗黃金憶昨紇干凍雀死洛州歲歲易刺史海中  
妖蜃作飛龍攪黑嶺南天萬重公卿皆由蠶室進剝皮盤  
面當酒令誰能救此一方人不死干戈死苛政驕奢淫虐  
五十年斗牛怨氣接西乾富貴無聊圖作佛卻思鑄此廣  
福田比邱監使名爭列此錯何止六州鐵看來原不是金  
塗點點萬家兒女血溪州銅柱生秋苔錢唐鐵券亦塵埃

區區一塔故無恙陰雨時聞冤鬼哀君不見歌舞岡頽麋  
鹿上小南強作降王長錦衣百輩東市刑銀鍾拜賜雙淚  
零此時老佛偏無靈

文信國綠端蟬腹研歌

有謝臬羽銘云文山攀髯之明年疊山流寓臨安得遺研

焉億當日與文山象戲譜玉斲金鼎一局石君時在座右銘曰洮河石碧於血千年不死藎法骨乾

隆丁未杭州臨平漁父網得於湖中今爲南坡師物詳見賞雨茅屋集

黃冠不返燕山客柴市風霾蔽天黑剖將徑寸夷齊心染  
出一方天水碧故人卻聘逃臨安有叟西臺擊竹還相逢  
靜聽嗁鶻哭石君灑淚比人寒斜飛半角都安在朱烏魂  
歸朝局改母妃難補女媧天帝子誰填精衛海會稽山南  
寶氣空妖僧一炬燒雲紅六丁獨抱石君去多年穩卧馮  
夷宮老漁大笑呼君起有似蕤賓躍池水清光耿耿照秋

霜錯道文山猶未死，吁嗟乎文山到今原不死。可惜青松斲，研趙承旨。承旨松研今尚在。見董太史潮詩集。

秋夜獨坐答張南山

落葉蕭騷秋氣深，無情星漢自西沈。四邊蛩語喧牆角，一綫燈光透竹陰。元亮詩篇形贈影，南華身世目憐心。多愁奈爾張平子，說起歸田憶故林。來詩有躬耕難學士無田句。

六月二十二舟中睡起

殘月雖如玦，清光猶滿天。疎星低倚樹，遠水澹收煙。酒醒三更後，涼生初伏前。誰知勞擾際，偷作片時仙。

峽山飛來寺

琳宮橫跨碧雲端，六月靈風透骨寒。老木千章森積翠，飛流百道走驚湍。地偏僧亦忘機久，山好詩愁著語難。十載

征途空往返塵容慚愧一憑欄

舟過山前屢矣今始一游

松門雲碓淨無塵身到諸天眼界新  
采藥至今思帝子獻環何處覓佳人  
神仙偶作繁華夢草木猶含太古春  
悟徹閻浮皆幻景強尋來去總非真

戴鑑字賦軒號石坪濟甯人有潑墨軒集

詩話石坪少從季父宦游江南往來京口邗上最久  
晚歲里居食貧畫效黃秋盦得其蕭澹之味世甚重  
之詩亦澹逸拔俗  
五言尤勝兼工詞

田家雜詩

和風扇微暝郊原淑氣新  
昨夜時雨過萬物同一春  
邱墟上朝日荷鋤見農人  
歲功自茲始爲志誠殷勤  
旣耕當復種筋力多苦辛  
拮据有時息談笑聚四鄰  
少長雖異姓歡如骨肉親  
問彼何能爾去僞存天真

種瓜隴土平漚麻塘水滿農月田事多作苦詎能免侵曉  
草際行卓午林下飯日淡禾黍墟好風冷然善雞犬近方  
識桑柘遙莫辨長歌笑語歸荒途夕陽晚

北風吹寒林田廬夜熏鼠甕牖燈火紅團欒聚兒女老翁  
調幼孫蹲鴟半宵煮人間無歡場卽此是樂土東城有達  
官簿書日勞苦到老不歸田何異在網罟

對雪

素影上簾旌玉宇殊清絕鬪雀傍檐飛觸落梅梢雪  
虛齋簾不捲謾謾打窗聲素色來書幌無燈夜自明

丁丑歲暮喜史梅裳歸自河中

冰雪滿川陸南天鴻雁飛故人在宛洛歲暮今始歸春色  
已堪翫酒徒相見稀閒散足爲樂孰云吾道非



東陳行之

潦倒成何事支離笑此身養尊惟有懶醫俗莫如貧對雪  
思佳釀探梅愛早春谷寒吹暝律難變白頭新

舟泊京口作

荻花搖落見蒼煙渺渺江流接楚天獨鳥飛沈秋草外亂  
山青到戍樓前潮通澤國寒生月風颭檣鐙夜泊船沙際  
漁歌兼牧笛中宵聒起水窗眠

覺羅舒敏字叔夜號時亭又號石舫滿洲旗人有適齋

居士集

詩話石舫爲春圃制軍伍拉納子語鈴中丞崇恩父  
制軍坐事見法諸子戍伊犁石舫在戍所三年赦還  
又四年遽病卒年僅二十有七詩在伊犁作者號秋  
笳吟赦還後作號課花軒遺草中丞官江蘇按察時  
合編付刻感懷身世  
多蒼涼沈鬱之音

慘別離

吁嗟乎慘別離迢迢後會殊難期慈親相送淚如縷哀兒  
萬里戍條支條支雖遠君恩近屬兒首路心勿悲諄諄母  
訓猶在耳未得生還弟先死玉門東望白雲重隔斷音塵  
六千里回思車馬出城東縞素征衣血淚紅獄吏催行怒  
如虎誰爲阮籍悲途窮嘉峪關前北風吼驚沙撲面怪石  
走不辨東西天黑黃雪壓征裘大於手相逢異地盡戎羌  
羈帳連雲客斷腸喁喁不解作何語意似憐我來殊鄉縱  
橫虎爪留霜磧疲馬蹢躅宿戈壁荒煙冷月四無人鬼哭  
狐噪動心魄滔滔歲月如驚波淚痕潰透魯陽戈生死吞  
聲向前去舉頭天外塞鴻過塞鴻過不寄鄉書奈汝何

途次松樹塘大雪

枕戟提戈萬里天，雪深沒脛馬愁前。  
昌黎當日藍關去，祇說潮陽路八千。

秋夜

秋風秋雨逗秋寒，擁被纔醒夜未闌。  
老屋鐙昏蛩語澀，荒城笳斷雁聲酸。  
壯懷磊落知心少，世路崎嶇入腳難。  
屈指愁腸眞百結，年來鄉里幸平安。

自酌

何日唱刀環，傷心醉裏顏。  
無文難弔屈，有筆欲投班。  
客淚多於雪，離愁重似山。  
雞竿知有待，秣馬喜生還。  
赤腳踏層冰，艱難氣倍增。  
問年新戍卒，晞髮老禪僧。  
憶別詩千首，消愁酒數升。  
古來河朔飲，浮白記吾曾。

訪浦謙齋

煌

扣雲

煥

昆季夜話

北窗一夢覺夕陽已西  
隕念我素心人躡履來高齋  
新詩入超妙清談雜詼諧  
幽興猶未已忽驚鼓角催  
相送及柴門月明松徑苔  
此境殊不惡應繫他年懷

再寄舒春林

琴樽風月舊生涯幾度伊州歎  
歲華萬里音書空附鶴  
五更鼓角亂嗁鴉冰霜獨處憐  
蘇武山水知音感伯牙  
莫怨玉門春不到好憑羌笛問梅花

晚晴移詩匯卷一百二十三終

晚晴移詩匯卷一百二十四目錄

趙春熙 八首

冷烜 一首

查梧 一首

趙勳 二首

王祖昌 六首

朱曾傳 六首

鹿林松 四首

張培 一首

黃彥 二首

周樸 二首

李培根 一首

孫韶 三首

蔡鵬飛 一首

張鏐 五首

周珠生 七首

王熊伯 一首

曹文漢 二首

陸志堅 一首

陳授 一首

楊城書 二首

馬春長 二首

張曾懿 一首

胡正基 一首

黃璧 一首

李聖就 三首

柯振嶽 七首

吳應奎 二首

查世官 五首

陳汾 一首

朱和春 一首

許乃椿 一首

陳祖望 三首

錢善揚 一首

夏之盛 一首

范崇階 五首

曹信賢 一首

汪淮 二首

胡金題 一首

胡金勝 一首

黃定齊 五首

王人定 一首

張禮 二首

陳廷瑜 一首

何森 一首

葉時哲 一首

孫澈 一首

晚晴移詩匯卷一百二十四

徐世昌

趙春熙字緝于別號陸門山樵易州人諸生有雙琴堂

詩集

盤道寺

石磴十八盤盤盤下天半窄不得連騎高欲迴飛翰如何  
古殿宇撐起崩雲斷上仰萬仞梯下窺百尺澗壙僧不自  
危轉爲勞人患石竇引清泉藥苗堆短椽意仿趙州茶且  
坐揮征汗萬岫蒼翠環千章森綠暗一綫露天痕浮青怯  
仰瞰樹杪轉行人旋磨蟻零亂藉非稍息肩顛蹶將遺憾  
始信天地仁低昂倏改換平衍地數弓乃在崕呀畔更假  
涓滴流暘暑資清灌無險不能夷求安須歷難敢以片刻

間前途弛負擔努力復振衣登峯擬轉盼

除夕卽事用東坡集中餽歲別歲守歲韻

菜根蔽儘好底用辛盤佐凍雪積柴荆璀璨勝泉貨春帖  
映檐明字字如斗大戲綵童孫歡忭舞俱慵卧青鐙吐燄  
紅金粟頻輝座村酒飲屠蘇老幼轉如磨一室篤天倫清  
福自謂過更檢古詩篇關韻呼兒和

爲惜年光去甯嫌滴漏遲往昔徒把詭今茲難復追與我  
共黽勉人已杳天涯寄懷空夢想何似耐貧時兩鬢髮既  
短九迴腸詎肥覩此眼前聚轉生憶昔悲壯且不足恃老  
亦安得辭所嗟士有志乃遂年華衰

掃齋整書帙舊字掛龍蛇精采尙奕奕煙煤未遽遮潤屋  
僅如此其奈賤貧何掩戶聊靜坐所幸無喧嘩生平默自



忤慙悔面欲過性分事無補步履忽跛斜非不厭歲月乃  
竟甘蹉跎古人重髦學從此慎虛誇

園居卽事

深慙堂構負貽謀檢校琅函覓好修竹樹漸看三徑滿琴  
樽幸藉一甌留析疑燭翦宵中雨學畫山呈花外樓逸興  
更邀羣季詠慣搜癖事互拈鬪

枉將春及告余知石硯爲旧敢望時月不憐人光倍冷花  
如媚我謝偏遲幾行桃李留風月一桁雲山當友師不殖  
便深將落恐腹撐何似有書詩

徑草何曾破屐痕拌他簪履散平原聽松有伴常借影得  
句誰酬自倒樽短榻久拋塵市夢殘編聊共古今論不緣  
蛙鼓鶯簧奏絕少清聲聒耳喧

誠然吾亦愛吾廬種樹蒔花趣覺餘謀醉酒資人問字課  
兒手寫父遺書披吟自拙謀生計衫履無華稱索居解得  
春風無限樂管教塊壘自消除

冷烜字芸藥大興籍膠州人諸生

詩話膠州冷吉臣故以畫名芸藥爲其孫寄籍大興  
爲博士弟子能詩嘉慶丙寅河溢曹縣馬千總雲從  
督兵夫擢之奮立埽上埽潰隨之去求其尸得之下  
游四十里商虞應地衣冠如故立不仆地有漢順平  
侯祠民爲千總塑象附焉芸藥弔以詩有日洪流奔  
騰天地黑蒼黃乃以束薪塞奮身攘臂爾何人百姓  
其魚此頃刻悍然突往大聲呼一聲碎易無千夫千  
夫愕視乘流去河伯逡巡立退趨足爲以死勤事者  
矣勸

雨後夜坐

水國乍陰晴秋從短褐生鄉思來雁影涼意入蛩聲樹定  
留殘滴窗虛待早明寂寥依燭坐疏漏已三更

查梧原名相字仲士號藹吉又號鳳來宛平人有藹吉

詩藁

詩話鳳來工畫蘭竹文采斐然余家先世與有連  
夙如其人詩藁未梓行錄一絕句以存吉光片羽

客舍聞鐘

勞勞枕席未曾甯數到殘更側耳聽一似晨鐘催早起不  
知孤客夜常醒

趙勳字牧亭滿洲旗人有種竹草堂詩

山中春興

不肯作深想詩教信口吟孤雲連霽色高樹結重陰衰客  
歸從昨好山看到今野苔迷洞口風過落花深

秋日城西遠望

望遠詩情懶浮雲冷客心漲痕留水岸秋色接城陰默檢

閒愁細行歌露草深殘年廢文字妄想已消沈

王祖昌字子文山東新城人諸生有秋水亭詩草

詩話子文爲漁洋族裔故詩宗漁洋家貧雖粗糲不給而吟詠如常凡所經名山大川與所遇當代人物皆見於詩以弄翰爲性命視世之窮通得喪蔑如也

早行

早起登長路蕭然動客情寒霜千里白曉月一天清未見棲鴉起空聞落木聲行歌忘遠近海外紫霞生

桐軒

半牖梧桐影山月何皎潔寒光流小軒滿地白如雪美人隔千里此夕應愁絕

懷勞山

晉上華嚴寺當門海接天聽潮秋竹下觀日曉樓前樹少

中原鳥橋通外國船別來一千日時復夢游仙

法慶寺對雨

纖纖涼雨打窗紗坐對高僧偶試茶遙憶石橋秋水畔西  
風開遍白蓮花

與李南宮話舊

昔日游山興有餘桃源共訪列仙居倚松李白愁偏起看  
竹王猷樂未疏一別真成蝴蝶夢三年不見鯉魚書今朝  
精舍還相晤再往當乘月上初

宿仙姑洞同劉若時及諸子作

高登碧峯頂靜坐仙姑洞細聽仙梵音不作紅塵夢半鈎  
明月懸萬壑涼風送倚樓天欲曙誰將玉簫弄

朱曾傳字式魯厯城人有說餅菴詩集

守宮謠

嘈嘈急杵秋聲細石龍夜搗焉支賦別君帳底月如水花  
魂一斷千年死人間無物奈愁何黃金屈戌銀河波君乎  
莫羨蘇臺樂梧宮紅過胥江落萬古春歸夢不歸羅裙化  
作蝴蝶飛

鏡歌

天雞樹下日如血西樓耿耿明河滅蠟淚滴殘妝未成獨  
把海綃拂秋月蘭笑遺嗔各不免鏡中紅翠流年轉七十  
鴛鴦俱錦毛憑誰持照思深淺

紅樹

柿葉吾鄉物江楓色不如錦開十里障牋箋一樓書秋老  
妝偏媚山寒格亦疏樊川憐石徑坐對此停車

秋日同家弟無咎

風定草悠悠，蟲聲小院幽。  
無端千里望，并作一簾秋。  
老木常吹雨，青山不滿樓。  
忘形吾與汝，真似海天鷗。

寄上玉笥先生

少日圍棋侍謝公，當時忘卻在春風。  
絳紗東國三千士，白髮西湖八十翁。

淪謫十洲新絳紗，彩毫三館舊黃麻。  
先皇舊史今餘幾，又向江南見翠華。

鹿林松字木公號雪樵福山人諸生有雪樵詩集

海鏡亭

萬里無邊際，空明獨此亭。  
地天浮一碧，齊魯盪餘青。  
旁射蛟龍氣，中盤島嶼形。  
何人正垂釣，煙雨滿滄溟。

憶友人村居

幾樹村邊合一峯，雲外青田荒耕曉。月井淺汲秋星到老，貧相送苦吟人不聽。記曾相訪處，自寫換鵝經。

送朱菊人明府臺灣內渡

求詩東到海，更向海東求。潮落日生處，鳥懸天盡頭。嶺煙番樹迥，溪雨蔗田秋。卻送歸帆去，吟聲不可留。

贈朱曉帆

冷性難爲熱棄官，如棄瓢年來此孤嶼。門外幾春潮倚杖，看巖鶴長吟答野樵。自言無磊塊，有酒亦須澆。

張培字香巖，上元人有香巖詩存。

過黃蛟門夜話

小閣篝燈一點孤，犬聲如豹吠牆隅。門開月與客爭入樹。



雜風疑鬼亂呼高論千秋憑位置情茶七碗勝醍醐何當  
妙倩王維筆寫作寒林雅集圖

黃彥字友松號菽庵常熟人有菽菴遺詩

破龍淵

滿眼詩情祇自尋支筇踏徧破山陰樹分濃淡雲林畫  
瀉淒清叔夜琴薄靄輕籠嵐氣靜晚煙低卷鳥聲沈行來  
忘卻松風吼疑是驚龍穴底吟

村居雜感

悟得從前事總非杜門無事結交稀常投卻老休糧藥時  
典驅寒夾絮衣來往閒雲隨自適飛鳴小鳥亦知機此身  
甘作書中蠹養得仙胎脈望肥

周樞字澹衣丹陽人諸生有雅存堂集

過丁卯橋

舊是詩人宅輕帆此際過小橋通水檻高樹羃煙蘿日晚  
漁舟入春深柳絮多遺芳寥落盡對景自長歌

游棲霞

化工作意開奇境我輩尋幽逸興催池邈深巖皆結屋潺  
湲曲水欲流杯行穿石壁摩雲出響雜松聲帶雨來直上  
最高峯頂望狂濤萬里接風雷

李培根字遜堂南匯人諸生有來復堂集

首夏

首夏挹芬芳如年日正長疏花藏密樹修竹蔭虛堂暗數  
花輒影頻添寶鴨香書聲當晝靜雛燕語雕梁

孫韶字蓮水江甯人諸生有春雨樓詩略

丁卯秋客揚州同阮梅叔小雲游木蘭院

秋草寒煙響暗蛩昔時人去渺無蹤一株銀杏千年物聽  
過闍黎飯後鐘

誰識英雄未遇前淮陰往事有漁竿漢唐去古風猶近已  
覺人間乞食難

不因名字得風雲肯信文章絕等倫壞壁留題三十載阿  
師還是解詩人

蔡鵬飛字梅茵婁縣人諸生有六半樓詩鈔

自題詩集後

不多著句鬢霜新慚愧名山積等身偶輯似非藏大拙閒  
披聊可憶前塵米鹽祇抵村書陋晴雨徒嗤日記眞醉裏  
漁樵酣野唱漫勞氣韻問何人

張鏐字子貞號老蘊江都人有求當集

送蕭炳之白門

白門楊柳曉唳烏馬上青山似畫圖  
六代銷磨金粉盡不須重問莫愁湖

題郭麀靈芬館圖

白髮不相待青山誠可家亂泉爭一壑  
孤屋繞羣花麀鹿行堪戀樵漁迹未賒  
祇應守岑寂隨分答年華地占三分水  
窗迎四面山栖雲參白業醉月駐紅顏  
夢斷江湖上心移泉石間松門無客至  
留得紫苔斑鐵網沈滄海珊瑚屢見遺  
狂應難免俗術自不逢時歌哭皆天性  
文章亦我師平生慕遐躅誰寄草堂貲

秋夜作

索索階前絡緯鳴蕭蕭林屋變秋聲籬花著雨忽羣墮山  
月破雲時一明歲歎誰憐詩興減愁多每覺道心生病妻  
未肯忘辛苦鐙下寒衣早製成

周珠生字小白吳縣人有出塞吟瓣香閣詩鈔

詩話小白工書畫精星學善騎射屢入節幕游迹  
所至輒紀以詩與當代名士相唱和所作益工

朝那郡齋書壁

萬里懷歸未可期風沙滿眼動人悲蠻兒但訝羊多角羌  
女不知蠶作絲天盡河山寒有色地荒禾黍種無時飄零  
絕塞誰相問擊劍長歌慷慨詞

海喇都老婦

載周花甲後又過上龔時未閱滄桑變翻嫌日月遲貌真  
成古佛心轉似嬰兒畢竟媧皇世如松壽可期

出居庸關書所見

風悲日淡奏金笳  
幕臨關四五家  
春色忽從天外至  
跨駝邊女帽簪花

遼陽道中

連山鼓角靖秋氛  
北望幽并路此分  
丁令何年歸華表  
烏桓從古泣荒墳  
衣霑鳴綠江邊雨  
馬踏桃花島上雲  
衰草叢祠殘照裏  
更無人拜李將軍

遼城秋夜書懷

中朝回首路漫漫  
到此真令眼界寬  
九塞風煙秋氣肅  
七陵星斗夜光寒  
已應奔走空皮骨  
不放悲歌泣肺肝  
試上望京樓上望  
一輪海月照長安

默爾根旅店題壁

堪笑飢驅浪得名南轅北轍費經營但容飽喫桃花飯鴨  
絲江頭住一生

芷江舟中卽目

山迎水送客舟輕夾岸紅妝踏臂行不見女郎鬢上柳直  
忘今日是清明

王熊伯字瑞清吳縣人有環翠樓詩鈔

登萬壽閣望華山

魏峩西嶽鎮西京傑閣朝憑爽氣清五里霧披三輔曉半  
空雲捲萬峯晴芙蓉彩翠窗前落海日光華掌上生見說  
玉姜猶不死御風何處正吹笙

曹文漢字仙槎長洲人監生有闍歸集

題普陀寺壁用丁孝子鶴年韻

浴伽古刹鬱崔嵬極目東瀛水一杯天外峯巒鰲嶽癡雲  
中金碧蜃樓臺靈山自有蛟龍護法地那容虎豹來底事  
海氛偏不靖乘槎何處訪蓬萊

獨立盤陀思悄然滄桑陵谷幾推遷君能負骨歸千里我  
亦傷心到隔年龕赭潮迴東極地鯤鵬路接北溟天同來  
此處傳高士遺墨紗籠句欲仙

陸志堅字方坡吳江人有方坡遺詩

答進隱愚

我合稱狂士君猶見古風文章蔬筍外肝膽笑談中放眼  
乾坤大潛身耕讀同休辜杏花約春雨一鎗紅

陳授字石渠一字松崖江甯人諸生

游莫愁湖



泛棹入明湖，清晨風習習。微浪碧生鱗，遠山青拱揖。蒲聲入耳秋，荷氣侵衣溼。燕乳尚雙飛，鷺拳方獨立。勝境覽周遭，佳辰時讌集。少婦鬱金堂，功臣湯沐邑。願言思古人，遐哉不可及。

揚城書字香林上海人諸生有詩古齋吟藁

秋柳

烏嘯月落自黃昏，一夜秋霜滿白門。惆悵玉關何處所，西風影裏總消魂。

送春

漠漠輕陰護綠苔，小庭芍藥已全開。多情最是深宵雨，尚帶春聲入夢來。

馬春長字培和桐城人有花夢軒詩存

題山家壁

前峯昨夜雨初過，曉蹋芒屨入翠蘿。  
鳥語向山行客少，春陰垂澗落花多。  
喧闐村社聞簫鼓，空闊煙陂放鴨鶩。  
散淡不關塵世事，瓦盆沽就野人歌。

懷伯兄復堂

青苔綠階長綠陰，垂幕肥夜來雨頻。  
重晨起花亂飛，有酒自斟酌。  
獨客時歔歔，忽憶故園徑久與吾兄違。  
我欲陟高岡，君方掩柴扉。  
歌詠谿山深，息偃煙霞輝。  
浮雲尙無定，孤鳥將安歸。  
慎旃望遠心，毋使素書稀。

張曾懿字北暉桐城人有韻泉軒詩草

駐舟湖口縣

泊舟湖口縣，遙見廬山岑。  
遠公不可見，虎溪深復深。  
榜人

喧野渡沙鳥集疏林客抱將誰遣開囊有素琴

胡正基字岫青號異泉平湖人貢生有瑤潭詩贖

鐵鎗歌

嘉慶丁巳二月黔省帥苗攻關嶺糧臺黎平

經歷陸君光濂堵禦援絕臨危授命將鐵鎗付僕德耀日持往軍前鎗歸卽我歸也越數日有得其屍於深塹中面目如生遂殯於貴州省城南諸葛武侯祠其子桓在籍聞訃卽於是秋前往扶觀至戊午夏抵里并奉鐵鎗以歸因作歌以哀之

鐵鎗歸鐵鎗歸兮人不歸鎗本經歷手中物用以殺賊如

點筆關索嶺雲接烽煙狎苗蟻集盈萬千死守糧臺誓報

國挺鎗一呼率眾先相距七晝夜殺傷互枕藉力盡無援

兵慷慨氣不下回顧殘卒有幾人木石又戕我同寅

仁和沈化

可憐子立難轉鬪擲鎗付僕甘殞身僕負此鎗報大府

懸賞求屍幸未腐僵卧山坳深塹中尙握空拳聳奮怒寂

寞城南武侯祠一棺誰奠酒一卮誰何記室今安之有子

閒關冒鋒鏑見鎗大慟幾欲絕八千里路鎗同挈六月歸  
舟抵漢塘鐵鎗紅纓風飄揚嗚呼柩歸鎗亦歸鎗歸誰云  
人不歸

黃壁字拱圖餘姚人諸生有西野吟窩橐

雨夜

滂沱入夜勢難收獨坐焚膏一破愁酒力銷沈人不夢筆  
鋒銛利氣橫秋相如寓蜀家何在季子歸秦舌尙留只待  
明朝晴日出杖藜共探梵宮幽

李聖就字景伊鄞縣人諸生有菁江詩鈔

錢塘東望

獨立長天霽景開登臨遙傍越王臺三秋夜月鯨鯢氣萬  
里西風鴻雁哀隔岸帆檣連樹沒滿江燈火送潮來蒼茫

更起乘桴志搔首天東日幾迴

明皇

梨園往事已堪憐千古誰將圖畫傳  
鈿合難憑天上使霓裳空憶月中仙  
巴川夜雨悲鳴鐸蜀國春風語斷絃  
南內淒涼明月夜傷心獨有李龜年

游阿育王寺

地僻無人至山迴雲路重  
虛樓架絕壁危塔並寒峯  
暮雨千巖樹秋風萬壑鐘  
支公舊講處澗底有吟龍

柯振嶽字霽青慈谿人諸生有蘭雪集

雜詠

寒暑變氣候旦暮成古今  
蜉蝣與螻蛄安知霜雪侵  
陶公一世傑曰予惜分陰

甯背孔孟言不敢違傳註此語雖過激足祛俗士痼古來  
賢述聖一間待神悟及其筆之書所見復非故忠臣與佞  
臣紛紛墮雲霧

讀陶詩

天地有元氣而無造作痕作詩尙雕琢真意竟何存陶公  
五字詩獨得風雅源高妙出自然言外復有言

讀國風

唐棣解未思素絢識禮後有意無意間妙悟難授受旁通  
信可參時世詎容苟雅頌尙鋪張義顯不憂蒞國風主譎  
諫比興無科曰自非大小序聖人亦束手毛鄭及孔疏仰  
若山與斗鄭樵生也晚私智力攻措一唱而百和塗澤雜  
妍醜但涉男女詞概出淫奔口安得起詩人一一爲之剖

和周少溪本補衣篇原韻

維天有缺陷誰與鍊石補誦君補衣篇幅短情縷縷萬物不自輕飢寒焉得侮裋褐雖不完文彩炳於虎曠懷白香山境甘心獨苦大裘庇天下自命一何古茫茫千億身欲使免終窶末俗識拘墟空言笑媚嫵豈知絮以仁方寸如攔取刀尺製未畢且復安環堵補衣一補天三復爲起舞

耕織圖

中國有聖人四海皆就理仁風春臺登絃歌比戶是借問何能然事從衣食始維宋寶元初耕織圖垂史一夫或不耕受飢可立俟一女或不織禦寒復何恃飢寒兩切身豈獨民遭否誰以山水更厥病中汰侈鴟鴞餘膏梁後宮賤羅綺非無恤民心茫茫隔萬里  
聖祖暨高宗天章前

後紀艱難無逸心剴切幽風旨誰云民隱遐歷歷皆尺咫  
汗雨想蒿目機聲儼盈耳粒米與縷絲忍作微物視租稅  
亦難蠲其來辛苦矣節儉慎持盈豐穰敢遽喜旣富禮義  
興化行俗斯美農桑邦家基金鏡莫逾此我皇黜座陳萬  
年長顧諟

讀三國志

青虹入殿赤符熄分裂河山號三國丈夫濟世患無才有  
才失身堪太息當日關東起義兵只有孫曹足抗衡堅也  
橫死策天折荊州一隅困鬪爭阿瞞河洛經營早袁呂紛  
如落葉埽唾手神區且夕間吁嗟昭烈依人老龍蟠鳳逸  
盡飛揚不謁曹公願莫償號令情知非出帝虛名謬喜附  
勤王就中最是荀文若帷幄運籌王佐略爲漢不忠魏亦



疑白首子房竟焉託天下英雄惟使君地無尺土孰爲羣  
武侯眼自高四海卓識吾還愛趙雲將軍帝室之裔胄國  
賊曹操權可宥大義昭然日月光俯視餘子真鳥獸縱使  
偏安阻益州漢家正統繫炎劉順逆不論論成敗今古人  
才貉一邱

吳應奎字文伯號蘅臬孝豐人諸生有讀書樓詩集

幽人

丹嶂橫楓林半壁白雲互其上宅幽人綠崖斷梯磴時有  
鶴飛來元猿睡初醒汲水去清溪冷然候疏磬

晚步溪上

招提鐘磬寂山月澹餘暉水木亂明瑟雲霞生客衣天風  
紆竹籟壑翠墮巖扉自覺機能息閒鷗近不飛

查世官字懷忠海甯人諸生有南廬詩鈔

秋望

俗事了不涉閒居適我情偶然愛林壑隨意到山城極浦  
忽秋色遙村開晚晴莫驚搖落意自有歲寒盟

風篁嶺

澗泉汨汨如鳴琴疏林隔竹嘯幽禽樵踪細入松陰裏一  
澗寒綠侵衣襟竹煙蒼蒼洗新雨巖花瑟瑟吹微陰山中  
秋色正瀟灑入耳半是笙簧音初陽一片射林隙照見匹  
練懸高岑溼煙滿地飛不去空翠濛濛落如雨槐花風裏  
送微涼梧葉聲中忘殘暑老僧肅客具茗椀采得新旗活  
火煮全身似入清涼國欲覓歸途復延佇

水樂洞

巖壑入窈窕竹樹穿縱橫榛莽出伏流亂石疑列星迤邐  
尋水樂衍然門幽扃峯巒藏戶牖側視分逕庭飛泉鳴暗  
壁直下如建瓴鏘然一泓水流作魚尾形風水相吞吐隱  
隱聞雷霆仙人奏雲璈玉女叩銅瓶水故不在樂樂以水  
爲聲音節出自然絲竹無此清乃知太古初不假器與名  
坡翁有鉅製磨字懸青屏大雅久可作誰與招山靈惟聞  
白雲外天風吹泠泠

法梧門祭酒詩龕

昔聞丹邱生說詩譬諸禪鏡花與水月應作如是觀維摩  
本無言文字皆可刪心通有頓悟千偈如水翻當其未悟  
時兀兀一蒲團空明渺眾慮丈室何其寬先生居上座瘦  
骨如瞿曇莊嚴具七寶定慧徹三關說法用我法舌本如

轉環吾無隱乎爾香氣來旃檀色相湧空界四壁開煙巒  
白雲淡流水黃葉飛空山清泉咽幽石孤花媚秋潭宗門  
有了義此境須微參噉蜜得真味食蔗有回甘作詩呈我  
佛彌勒應同龕

棗花寺

西風吹客出高城一角西山放曉晴落木寺門天遠大荒  
郊秋雨水縱橫野花當戶有寒意老檜嘯空答梵聲初地  
安心猶未得夜深孤月上方明

陳汾字晉陽號墨泉蕭山人諸生有怡園詩鈔

池亭閒坐

終日虛亭坐身閒喜地偏雨餘低岸柳風定落池蓮無事  
成佳日耽書娛小年北窗堪一卧高枕自悠然

朱和春字笠漁海鹽人諸生有板橋偶吟藁

板橋

板橋非復板懷古繫前名常日人過少春來水屢平游魚  
窺佛火禽鳥樂書聲看竹如尋主漁夫戴笠迎

許乃椿字子莊號季青錢塘人諸生有無盡意齋詩鈔  
舟泊安豐謁吳野人先生墓

雲端一鶴自朝昏長爲先生守墓門萬古只留抔土小千  
金難買布衣尊在家名姓傾湖海傳世文章當子孫今日  
經過薦杯水聊歌楚些與招魂

陳祖望字冀子號拜鄉會稽人諸生有思退堂詩鈔

寄笠舫

珠江揮手太恩恩夢繞蠻煙蜚雨中世味頻年嘗最熟詩

人從古例多窮登樓定復悲王粲愛客何曾有孔融知否  
南湖舊鷗鷺釣灘日日盼歸篷

送璞園入都

陶潛詠貧士杜甫悲老病作賦江文通傷心別與恨得一  
已足哀況乃四者并嗟哉我兩人共此磨蠍命可憐免毫  
禿寫愁不能竟孟郊作苦語豈是出天性境迫語則然敢  
以工拙論君心我能知我歌君勿聽聽之傷懷抱徒然亂  
方寸

癸酉夏五朔我作嶺海游君與二三子送我鏡湖頭鏡湖  
三百里逆作清淚流我時慟失怙寒暑未及周再拜別墳  
墓飢驅不得留至今負隱痛莫解終身憂三年苦瘴癘困  
頓尋歸舟歸來喜見君聊用紆離愁離愁亦未紆我病亦

未瘳今日送君別此淚如何收

錢善揚字几山秀水人諸生有几山吟藁

同人屬余寫春草圖題詩於後殿以拙句

磬室居貧已習常窗前憐得一叢芳喚花幽院觀生意翠  
雨疏簾挹細香花憶黃陵湖廟冷燕過朱雀野橋荒年光  
撩亂春痕裏愁殺含毫寫夕陽

夏之盛字松如錢塘人諸生有留餘堂詩鈔

詠秦檜銅豆

其銘曰紹興丙寅承命作豆賜師臣檜其萬年子子孫孫永寶用享按丙寅爲

宋高宗在位之六年岳王父子已前卒越九年檜遂晉建康郡王云

九廟尊罍泗水淪韓瓶已罷背鬼軍格天閣圯誰傳器歷  
日權高濫策勳宋室金甌終缺壞岳家銅爵自蒿焄鐵人  
餒絕猶長跼狗葬魂歸泣亂墳

范崇階字筱湖錢塘籍鄞縣人諸生有不改樂之堂詩

稟

詩話小湖清奇峭拔其合作極似韋柳郭頰柳云長  
筵廣坐紙墨橫飛小湖獨沈思苦吟出若平淡而託  
意深遠屠琴鳴稱其困於諸生備書養親安貧樂素  
忘其通塞發爲詩歌有冲夷淡遠之致是可以知所  
矣

哭汪仲房

夢心

悲極轉無淚情深難措詞  
拌將成永別恨不早相知  
慧業原非福天心我亦疑  
囊中遺稟在忍讀古人詩

壬戌夏六月十四日趙菊潭胡秋白朱開泉孫秋風

屠琴塢及積堂拂塵菴雅集

銀潢未西傾倒挂橐駝嶺  
森巖嵐氣逼深樹黑無影  
明月如相尋朗朗出松頂  
科頭坐其間人意與山靜  
潮聲龕藉



來破屋小於艇有客吹鐵笛聲與江潮併高梧近十尋老  
竹瘦干挺澹忘遺物我語妙雜醉醒諸君學道人那不惜  
光景清磬出疏寮逃禪發深省

寄懷小顛上人萬峯山房

蕭條板屋一龕燈賸有袈裟典未曾昨夜甕頭應醉倒滿  
山風雪卧詩僧

舟次無錫

山影落篷背蒼然滿舵樓千檣撐曉色一塔界中流市聚  
城猶遠天高霜自浮惠泉清可掬吾欲寫吾憂

秋白有皋亭看花之約先一日邀至東蘭

一棹延緣溯遠汀東風吹面酒初醒漲平草色沿隄綠雨  
過山光繞郭青別墅遙通多廢墟野桃纔放映茅亭桑陰

此用宋言 卷一 下 二十一 四  
日暝將成幄想見幽人戶畫扁

曹信賢字金譜號竹君嘉善人貢生有石溪吟藁

靈水菴

古剎餘香火迴環水抱門窗虛搖竹影碑斷蝕苔痕地僻  
行人少林深宿鳥喧前溪明月上一磬定孤村

汪淮字小海號藺農桐鄉人諸生有小海自定詩

溪行見梅寄所思

船頭坐吹笛池竹煙始綠隔水春濛濛山家酒應熟苔石  
醒午醉松風清夜弦孤夢吹更遠幽懷多自憐林梢凍禽  
窺牆陰餘雪護思君如春風日日溪上路

將買舟入新安程易田徵君方渡江來夜過話別

故人如野鶴煙暝忽飛來我亦橫江去丹霞半壁開滄波

留斷梗蠟屐更荒臺頭白誰相待孤生笑草萊

胡金題字品佳號瘦山平湖人諸生有桐華館詩鈔

經難沮精舍故址

掬月拈花跡已非舊題零落澹禪扉高人去後清風歇叢石孤松近十圍

胡金勝字東井號夢香平湖人諸生有聽秋室詩鈔

青浦

梨花如雪柳如煙三月東風泣杜鵑十里軟沙挑菜路半篙香水鬪泥船魚鰕遠市無平價茶筍空山不論錢羨殺江南風景好歸耕須買泖西田

黃定齊字蒙莊鄞縣人有垂老讀書廬詩草

詩話蒙莊從族兄東井學詩習名法家言有名林文忠及康蘭泉中丞皆延入幕倚重之詩有伉爽之氣

讀律

刑惟無刑期名實法先務爲幻格譎張作僞懲奸蠹出入  
生死懸辨尤嚴故誤見律未見囚律見囚已付不先律此  
心何以論法度律不外持平凜凜求其故

律載偶未該上下窮附比不於律中求終難協成軌律在  
通其變疑先析其似律意全在胸律文皆渣滓網舉目自  
張體失用何恃泛言疑從輕畸輕豈云是

義正本仁育信立智不違上下親疏間尤指禮爲歸咄哉  
申不害但矜恣睢威何者爲孤憤說更陋韓非律學包五  
德出彼乃入茲堂堂復正正誰似當代規第云民可由安  
得民共知

種菜

閉門人敢說英雄關得新哇足數弓抱甕生涯忘鬢白禦  
冬心事祝年豐故侯瓜自誇奇種寒士家惟守素風能事  
到頭輸老圃春深猶未供盤菘

寇退和友人作

便荷天驅異域魔風光幾似舊山河回春枯草生機淺墮  
地金甌缺口多覆轍追思長扼腕狂濤他指又傳訛鯨移  
未必來無日豈不懷歸且放歌

王人定字靜存號彥農甯鄉人監生有留餘草

打箭壺歸途

魚通回馬首終日傍溪行峻坂冰封就懸崖石削成磴危  
防雨過橋輒怯風生薄暮礪樓下愁人是水聲

張禮字兼山號謙庵湘潭人諸生有謙菴詩鈔

經衡嶽下作

九峯天外削峻嶒振策何當躡屐登玉虎驅雷騰紫蓋蒼  
龍挾雨出朱陵神幢晝閔煙霞窟帝闕晴懸日月鐙鐵笛  
一聲叫奇絕盪胸雲氣正層層

遲雪用東坡集中清虛堂雪韻

枯枝策策鴉如葉老樹蕭蕭雀噪雪小掩柴門半不開欲  
落未落更清絕凝雲墮地天乍低朔吹號空樹欲折遙山  
積霧半霏微忽地殘陽漏明滅銀海微茫天半枯素旗隱  
約雲中掣十分暝色入籬落一片寒光壓衣纈雀舌待烹  
陶穀茶麈尾思霏王衍屑佇看飛絮競顛狂莫使空花太  
飄瞥祈麥定生野老歡戲玉要聽山童說會當出作探梅  
游板橋倒跨驢鞍鐵

陳廷瑜原名山朗字璞庵祁陽人

重陽前一日隨家大人游浯溪

天高秋迴雁初飛預佩萸囊上翠微落帽更尋明日約追  
隨直待月明歸

何森字魯人番禺人有隙亭贍草

詩話魯人父客安南獨往省視值水發緣樹杪而度  
瀕危者屢卒迎父以歸任俠好義有德於鄉里論詩  
文最愛樊川謂有文武才亦以自況

辛亥之安南道中感賦

何日田園寄此身承歡無計倍酸辛老親歲邁愁爲客弱  
弟年輕食向人萬里雲山無旅伴百年菽水有長春鐙前  
慷慨雄心在孤負雞聲到枕頻

葉時哲字亮功號鶴巢柳城人有越雪集

周澤棠入羌尋父歸里賦贈

路入西羌遠思親淚未乾若無相遇處祇覺此生難虎境  
少人過雪峯當夏寒甯知此共返鄰里亦稱歡

再至蒼梧呈介石

欲歸猶未得黃葉已紛紛多病難爲客無成又訪君孤鴻  
天外唳游子夜中聞身計何年遂相期入嶠雲

孫澈字瘦石郟縣人

夔府西城

高閣倚垂楊漁歌起石梁大江爭峽口孤塔指斜陽山色  
知興廢川流閱混茫宗臣遺八陣憑弔自徬徨

晚晴移詩匯卷一百二十四終